

# Tuhigā Igoa Aho 7 o Mati 2023.

Ko te Tuhigā Igoa o te 2023 e fakatatau  
ki a te kitatou uma.



**Te Kāwanatanga o Aotearoa**  
New Zealand Government

**Census | Stats<sup>NZ</sup>**

Tatau tātou - All of us count

# Ko kitatou uma e faitau, kawai kitatou uma e auai ki te tuhigā igoa.

Ko te tuhigā igoa ko he hukehukega e aofia ai te fenua katoa ma e fai taki lima tauhaga. Ko he faitauga aloakia o tagata uma i luga o Aotearoa Niu Hila, ma na koga e nonofo ai pe ko na fale foki e nonofo ai.

Ko te tuhigā igoa e fehoahoani ke malamalama ai ia tagata ki na hūiga kua pa ki ei ia Aotearoa Niu Hila i na tauhaga kua teka. E fehoahoani foki ki na iwi, na kulupu kehekehe i loto o na komiuniti, ma te Mālō ma iētahi fakalapopotoga ki te pulepulega o na tautuaga e manakomia mo tagata, na komiuniti, e vēia ko na falemai, aoga, ma na auala o femalagaakiga e fakaaogā e te lauaitete.

Ko na tino uma lele e i luga o Aotearoa Niu Hila i te aho e fai ai te **Tuhigā Igoa, Aho Lua 7 o Māti 2023**, e tatau ke auai ki te tuhigā igoa. E ke mafaia oi fakatumu au pepa i luga o te neti pe fakatumu kawai e ke maua ite meli.

Ko na fakamatalaga e patino ki a te koe ka puipui fakalelei e te Stats NZ. E kimatou fakamautinoagia ko na fakamatalaga e kimatou lolomia e hē mafai ke iloa ko koe tena tuhia.

E hē kimatou fakahoa au tali ma ni iētahi tino, fakatakitakiga ko na matāeke iēnei a te mālō e vēia ko te Work and Income, Kāinga Ora, Matāeke a Leoleo pe ko te NZ Police, pe ko te Immigration New Zealand.

Kikila ifo ki te laupepa tenei [www.census.govt.nz](http://www.census.govt.nz) i luga o te kupega o te vateatea mo ni ietahi fakamatalaga. Telefeoni e hēai he totogi: **0800 CENSUS (0800 236 787)**, e tatala tenei tautuaga i te aho 6 o Fepuali.